

## Láhka

### nuortalašlága rievdadeamis

Riikkabeivviid mearrádusa mielde  
*rievdaduvvojit* nuortalašlága (253/1995) 49-51 ja 63 §, dakkárin go dain leat 49, 51 ja 63 §  
 lágas 83/2014,  
 čuovvovaččat:

#### 49 §

##### *Válgalávdegotti mearrádusa váidin*

Ovdal 48 § 2 momeanttas oaivvilduvvon olmmoš oažžu ohat nuppástusa válgalávdegotti mearrádussii váidimiin Davvi-Suoma hálddahušiektái 30 beaivvi siste das, go válgga boadus lea almmustahttojuvvon, dainna ákkain, ahte mearrádus loavkida su vuoigatvuođa dahje lea šaddan boasttu ortnegis dahje lea muđui lága vuostá. Eará osiin nuppástusohcamis heivehuvvo, mii riektegeavvamis hálddahušiektái addojuvvon lágas (808/2019) ášahuvvo.

#### 50 §

##### *Mearrádusas diediheapmi ja diehtunaddin*

Nuortalaš gehččojuvvo ožžon siidačoahkkima dahje nuortalašráđi mearrádusas dahje válgga bohtosis dieđu dalle, go mearrádusa dahje válgabohtosa sisttisdoalli beavdegirjeválddus lea biddjojuvvon oaidninláhkai Anára gielddas gieldalága (410/2015) 108 § mielásaččat ja nuortalaččaid ovdalbmá doaimmahagas. Mearrádusaid ja válggaid bohtosa sáhtá lassin almmustahttit maidái báikegottis almmolaččat almmostuvvi aviissas, juos siidačoahkkinn nu mearrida. Dalle go mearrádus guoská dušše ovttaskas nuortalačča, diehtunaddin gehččojuvvo dáhpáhuvvan dalle, go mearrádus lea duođastuslaččat addojuvvon áššeoapmahažžii diehtun.

#### 51 §

##### *Siidačoahkkima ja nuortalašráđi mearrádusa váidin*

Nuortalaččaid siidačoahkkima ja nuortalašráđi mearrádussii oažžu nuortalašguovllus ássi válddalaš nuortalaš dahje su guoibmi dahje nuortalašráđi lahttu ohat nuppástusa váidimiin Davvi-Suoma hálddahušiektái dainna ákkain, ahte mearrádus lea šaddan boasttu ortnegis dahje lea muđui lága vuostá. Seammá vuoigatvuohta lea das, gean vuoigatvuođa mearrádus loavkida.

Nuppástusa ii goittotge oaččo ohat dakkár mearrádussii, mii sisttisdoallá cealkámuša eiseváldái, juos cealkámuš ii čana eiseválddi.

Nuppástusa galgá ohat 30 beaivvi siste mearrádusas diediheamis. Eará osiin nuppástusohcamis heivehuvvo, mii riektegeavvamis hálddahušiektái addojuvvon lágas (808/2019) ášahuvvo.

23/2021

63 §

*Nuppástusohcan*

Ealáhus-, johtalus- ja birasguovddáža mearrádussii ohccojuvvo nuppástus váidimiin Davvi-Suoma hálddahusriektái.  
Eará osiin nuppástusohcamis hálddahusduopmostullui ásahuvvo riektegeavvamis hálddahusáššiin addojuvvon lágas.

---

Dát láhka boahtá fápmui ođđajagemánu 19 beaivve 2021.

Helssegis ođđajagemánu 15 beaivve 2021

**Dásseválddi Presideanta**

**Sauli Niinistö**

Eana- ja meahccedoalloministtar Jari Leppä